



PROGRAM RADA  
TURISTIČKE ZAJEDNICE OPĆINE KAKANJ  
ZA 2025. GODINU SA FINANSIJSKIM PLANOM

Kakanj, juni 2025. godine



## 1. Uvod

Na osnovu člana 69. Zakona o turizmu („Službene novine Zeničko-dobojskog kantona“, broj: 12/22), člana 24. tačka 19) Statuta Općine Kakanj („Službene novine Općine Kakanj“, broj: 4/08), i člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16, Općinsko vijeće je na 41. Sjednici održanoj 31.04.2024. godine donijelo Odluku o osnivanju Turističke zajednice Općine Kakanj, a potom je 31.07.2024. godine Odlukom o izmjeni Odluke o osnivanju Turističke zajednice Općine Kakanj, broj: 01/1-43-238/24 izvršilo dopunu djelatnosti Turističke zajednice Općine Kakanj.

Općinski sud u Zenici je donio Rješenje o registraciji broj: 043-0-Reg-24-000775 od 03.09.2025. godine, a Kantonalni porezni ured Zenica je izdao Uvjerjenje o registraciji poreznog obveznika 23.09.2024. godine, a Služba za statistiku za područje Zeničko-dobojskog kantona je donijela Obavještenje o razvrstavanju poslovnog subjekta prema klasifikaciji djelatnosti, broj: 07-28-5-13210/24 od 25.09.2024. godine.

Rješenjem o konačnom imenovanju direktora Turističke zajednice Općine Kakanj, broj: 02/1-3259/25 od 29.04.2025. godine, imenuje se direktor Turističke zajednice Općine Kakanj počev od 05.05.2025. godine na period od četiri godine, a Rješenjem o konačnom imenovanju članova Nadzornog odbora Turističke zajednice Općine Kakanj broj: 02/1-4341/25 od 11.06.2025. godine, imenuju se članovi nadzornog odbora na period od četiri godine.

Turistička zajednica Općine Kakanj u proteklom periodu donijela je Poslovnik o radu Nadzornog odbora Turističke zajednice Općine Kakanj, Statut Turističke zajednice Općine Kakanj, Pravilnik o radu Turističke zajednice Općine Kakanj, te Sadržaj i oblik logotipa Turističke zajednice Općine Kakanj.

Turistička zajednica Općine Kakanj, u skladu s važećim zakonskim i statutarnim aktima, predstavlja **Program rada sa finansijskim planom** za period juni-decembar 2025. godine. Predložene aktivnosti Programa rada sa finansijskim planom korespondiraju statutarnim ciljevima i zadacima Turističke zajednice Općine Kakanj.

## 2. Ciljevi i zadaci Turističke zajednice Općine Kakanj:

- objediniti turističku ponudu,
- upravljati javnom turističkom infrastrukturom datom na upravljanje,
- preduzimati mjere i aktivnosti na kreiranju turističkog proizvoda i turističkog imidža, kao i radnje na formiranju marke turističkog proizvoda destinacije,
- raditi na promociji, plasmanu i podršci realizacije turističkog proizvoda, kao i pojedinih njegovih dijelova, vrijednosti i usluga, koji čine integralni turistički proizvod,
- vršiti promociju plansko-projektne, plansko-razvojne i investicione dokumentacije iz oblasti turizma i njima komplementarnih djelatnosti,





- raditi na kontinuiranom inoviranju turističkog proizvoda i aktiviranju novih turističkih prostora,
- sarađivati u aktivnostima i poslovima vezanim za standardizaciju, kategorizaciju i klasifikaciju turističkog proizvoda, usluga i objekata,
- raditi na istraživanju turističkog tržišta u cilju pozicioniranja turističkog proizvoda na turističkom tržištu,
- pratiti stanje na turističkom tržištu u cilju blagovremenog donošenja odgovarajućih odluka,
- preduzimati mjere i aktivnosti za razvoj i promociju turizma u turistički nerazvijenim dijelovima općine Kakanj,
- obavljati informativne poslove u vezi sa turističkom ponudom i promovisati turističke ponude općine Kakanj u zemlji i inostranstvu,
- sarađivati sa turističkim zajednicama u Bosni i Hercegovini, u zemljama u okruženju, Evropi i svijetu,
- sarađivati sa putničkim agencijama i ustanovama za zaštićena prirodna i historijska područja, vezano za turističke posjete i obilaske zaštićenih područja,
- podsticati, unapređivati, promovisati i štiti izvorne vrijednosti i stvarati uslove za njihovo korištenje u granicama održivog razvoja turizma,
- raditi na razvoju gostoprimstva, očuvanju prirodnih i kulturno-historijskih vrijednosti i unapređenju ekološke zaštite prostora na kojem djeluje,
- raditi na pripremi i implementaciji događaja od važnosti za općinu Kakanj,
- obavljati i druge poslove koji su u funkciji razvoja turizma i koji nisu u suprotnosti sa Zakonom o turizmu.

### 3. Planirane aktivnosti u programu rada Turističke zajednice Općine Kakanj

- Objedinjavanje turističke ponude

U ovom segmentu će održati sastanak sa Općinom Kakanj sa ciljem mapiranja postojeće turističke ponude Općine Kakanj i kreirati zvaničnu turističku ponudu prema postojećem stanju, uz nadogradnju i unapređenje turističke ponude.

U cilju promocije objedinjene turističke ponude izraditi ćemo jedinstven turistički informativni portal [visitkakanj.ba](http://visitkakanj.ba) na kojem ćemo prezentovati jedinstvenu turističku ponudu Općine Kakanj, kroz digitalni, video i audio prikaz turističkih ponuda i turističkih aranžmana. Navedeni informativni portal će biti dostupan na bosanskom i engleskom jeziku. Uz portal, aktivirat ćemo i informativne kanale na društvenim mrežama facebook, instagram, X, LinkedIn, TikTok, Youtube.

Izradit ćemo promotivni materijal turističke ponude u printnom i elektronskom formatu na bosanskom i engleskom jeziku. Objedinjenu turističku ponudu ćemo predstaviti medijski kao zvaničnu turističku ponudu Općine Kakanj.





- Upravljanje javnom turističkom infrastrukturom datom na upravljanje

U ovom segmentu ćemo izvršiti adaptaciju prostorija u Ulici šehida br. 6, unutar kompleksa Doma kulture Kakanj na površini 48m<sup>2</sup>, izraditi idejno rješenje za adaptaciju prostorija za potrebe Turističke zajednice Općine Kakanj, te realizirati postupak adaptacije. U skladu sa Odlukom o davanju na privremeno korištenje poslovnog prostora Turističke zajednice Općine Kakanj, izvršit ćemo potpisivanje Ugovora o korištenju navedenih prostorija.

- Preduzimanje mjere i aktivnosti na kreiranju turističkog proizvoda i turističkog imidža, kao i radnje na formiranju marke turističkog proizvoda destinacije,

U ovom segmentu ćemo pored pokrenutog informativnog turističkog portala [visitkakanj.ba](http://visitkakanj.ba) i objedinjene turističke ponude Općine Kakanj, u saradnji sa Općinom Kakanj i lokalnim partnerima ćemo izvršiti identifikaciju ključnih turističkih atrakcija kao što su Ponijeri, Kraljeva Sutjeska, Muzej Kaknja, manifestacija “Kakanjski dani 2025” itd., zatim kreirati tematske turističke rute i turističke pakete kao što su manifestacija “Udahni Ponijere”, planinarski pohod “Dipijeva staza”, memorijalni planinarski pohod “Željina staza”, planinarski pohod “Kraljevim stazama na Bobovac” i dr.

- Rad na promociji, plasmanu i podršci realizacije turističkog proizvoda, kao i pojedinih njegovih dijelova, vrijednosti i usluga, koji čine integralni turistički proizvod,

U ovom segmentu, pored vlastitih informativnih kanala i promotivnih materijala, promovisat ćemo dvije kampanje “Kakanj ljeta 2025” i “Kakanj zima 2025” koji se odnose na promociju kompletnog turističkog proizvoda u sezonskoj turističkoj ponudi, kao i kampanju “Kakanj, kraljevska dolina”, sa posebnim akcentom na kulturno-historijski značaj, nacionalne spomenike Općine Kakanj. Za svaku od navedenih promotivnih kampanja ćemo izvršiti izradu vizuelnog identeta, marketinški i medija plan, te izvršiti promotivne aktivnosti prema planu.

- Vršenje promociju plansko-projektne, plansko-razvojne i investicione dokumentacije iz oblasti turizma i njima komplementarnih djelatnosti,

U ovom segmentu ćemo u saradnji sa Općinom Kakanj i lokalnim partnerima formirati dvije liste: Listu projekata u oblasti turizma i Listu investicija u oblasti turizma, u cilju privlačenja investitora, podrške razvojnim projektima, te osiguranju saradnje sa javnim i privatnim partnerstvom. Navedene liste ćemo promovisati putem našeg informativnog kanala, putem medija i slanjem institucijama kao što su FIPA – Agencija za unapređenje stranih investicija, DEI – Direkcija za evropske integracije u Bosni i Hercegovini i dr. Pored navedenih lista, promovisati ćemo i strateške ciljeve razvoja turizma Općine Kakanj definisane u Strategiji razvoja Općine Kakanj.



- Saradnja u aktivnostima i poslovima vezanim za standardizaciju, kategorizaciju i klasifikaciju turističkog proizvoda, usluga i objekata

U ovom segmentu ćemo održati sastanke sa Općinom Kakanj, Federalnim ministarstvom okoliša i turizma, Ministarstvom za privredu Zeničko-dobojskog kantona i Turističkom zajednicom Zeničko-dobojskog kantona, izvršiti prezentacije našeg turističkog proizvoda, te razmotriti zajedničke aktivnosti u domenu standardizacije, tj. uspostavljanja pravila i normi, kategorizacije, sa posebnim akcentom na uvođenje izajmljivača privatnog smještaja u legalne okvire poslovanja. U domenu klasifikacije turističkog proizvoda, usluga i objekata prikupit ćemo informaciju o raspoloživim grant sredstvima za ovu projektnu aktivnost. U skladu sa ovim aktivnostima, informisati ćemo lokalne partnere o zakonskim normama i standardima, pripremiti uputstvo i vodič za kategorizaciju smještajnih kapaciteta i drugih turističkih objekata, te izraditi internu bazu sa kategoriziranim objektima i uslugama u Općini Kakanj, u cilju praćenja kvaliteta usluga. Pored navedenog ćemo izvršiti promociju kategoriziranih objekata kroz naš informativni portal, brošure i društvene mreže.

- Rad na istraživanju turističkog tržišta u cilju pozicioniranja turističkog proizvoda na turističkom tržištu

U okviru aktivnosti istraživanja turističkog tržišta, Turistička zajednica Općine Kakanj uspostaviti će saradnju s Odsjekom za kulturu i turizam Filozofskog fakulteta Univerziteta u Zenici. Cilj ove saradnje je obostrano uključivanje u procese prikupljanja i analize podataka, redovno izvještavanje o aktivnostima Turističke zajednice te uvrštavanje relevantnih informacija u naučna istraživanja tržišta. Na taj način omogućiti će se dobijanje stručnih smjernica i preporuka za unapređenje turističkog proizvoda Općine Kakanj, kako na domaćem, tako i na stranom tržištu.

- Praćenje stanje na turističkom tržištu u cilju blagovremenog donošenja odgovarajućih odluka

Turistička zajednica Općine Kakanj vršit će kontinuirano praćenje stanja na turističkom tržištu, u bliskoj saradnji s lokalnim partnerima koji legalno posluju i koji su pristali dijeliti relevantne podatke u svrhu razvoja destinacije. Među tim partnerima su registrovani ugostiteljski objekti, pružaoci smještaja (privatni apartmani, pansioni, hoteli), organizatori turističkih tura, turističke agencije, kulturne i sportske ustanove, kao i pravna lica koja obavljaju djelatnosti povezane s turizmom. Pored lokalnih partnera ćemo ostvariti saradnju sa relevantnim fakultetima kako je naznačeno u prethodnoj tački, te koristiti javne podatke Zavoda za statistiku. Ova saradnja omogućiti će donošenje pravovremenih i kvalitetnih odluka, zasnovanih na realnim pokazateljima s terena. O navedenoj aktivnosti praćenja tržišta ćemo kreirati poseban kvartalni dokument Montoring stanja turističkog tržišta. O donošenju odluka koje korespondiraju monitoringu ćemo blagovremeno informisati partnere.





- Preduzimanje mjera i aktivnosti za razvoj i promociju turizma u turistički nerazvijenim dijelovima općine Kakanj

Turistička zajednica će u saradnji sa predstavnicima mjesnih zajednica u Općini Kakanj provesti informativno i terensko mapiranje prirodnih, kulturnih i tradicijskih potencijala (npr. Stari mlinovi, seoska domaćinstva, ljekovito bilje, izvori, panoramske tačke, lokalne legende i običaji i dr.), te identificirati sadržaje koji mogu postati dio turističkog proizvoda Općine Kakanj, izvršiti promociju sela kroz društvene mreže, brošure i promotivne video materijale. U cilju podsticanja razvoja seoskog turizma (npr. Domaća hrana, rukotvorine, stari zanati), realizirat ćemo saradnju sa lokalnim partnerima kao što su udruženja poljoprivrednika, udruženja žena, razvojnim udruženjima i dr. sa ciljem pokretanja edukativnih radionica, izrade zajedničkih projekata aplikacija, te uključenje lokalnog stanovništva iz nerazvijenih dijelova općine Kakanj u navedene programe.

- Saradnja sa turističkim zajednicama, putničkim agencijama i ustanovama za zaštićena prirodna i historijska područja u zemlji i inostranstvu

Turistička zajednica Općine Kakanj će ostvariti aktivnu saradnju s Turističkom zajednicom Zeničko-dobojskog kantona, turističkim zajednicama i udruženjima iz susjednih općina, kao i s partnerskim općinama širom Bosne i Hercegovine i inostranstva. Ova saradnja će se razvijati kroz zajedničke projektne aktivnosti, razmjenu podataka, zajedničke nastupe na sajmovima, promociju destinacija, učešće u stručnim timovima te kroz prekogranične inicijative.

Također, Turistička zajednica će ostvariti saradnju sa ustanovama koje upravljaju zaštićenim prirodnim i zaštitom historijskih područja u zemlji i inostranstvu. Obzirom da Kakanj raspolaže brojnim nacionalnim spomenicima koji zahtijevaju rekonstrukciju i prilagodbu za turističke svrhe – poput Vladarskog dvora u Kraljevoj Sutjesci – te prirodnim lokalitetima poput močvare Bistrik, cilj je dobiti stručne smjernice i podršku kako bi se ovi lokaliteti planski uključili u održivu turističku ponudu. O smjernicama navedenih ustanova ćemo blagovremeno obavijestiti javnost i lokalne partnere.

U cilju pokretanja saradnje sa lokalnim, međuopćinskim, državnim i prekograničnim partnerima Turistička zajednica općine Kakanj će ozvaničiti saradnju potpisivanjem memoranduma sa: JU “Kulturno-sportski centar Kakanj”, Turistička zajednica Zeničko-dobojskog kantona, kulturno-umjetnička društva, sportske organizacije, planinarska društva, ugostiteljski subjekti, vjerske zajednice, ministarstva na svim nivoima, turističkim zajednicama u zemlji i svijetu.

U cilju proaktivnog uspostavljanja saradnje sa međunarodnim partnerima u oblasti turizma, kulture, sporta i drugih društvenih djelatnosti, Turistička zajednica Općine Kakanj će inicirati prijedlog prema Općini Kakanj za uspostavljanje partnerskog odnosa (bratimljenja) sa odgovarajućom općinom ili gradom iz druge zemlje. Ova





inicijativa ima za cilj jačanje međunarodne saradnje, razmjenu dobrih praksi i razvoj zajedničkih projekata od značaja za lokalnu zajednicu.

- Saradnja sa putničkim agencijama i ustanovama za zaštićena prirodna i historijska područja, vezano za turističke posjete i obilaske zaštićenih područja

Turistička zajednica Općine Kakanj će, u saradnji s putničkim agencijama i institucijama za zaštitu nacionalnih spomenika i zaštićenih područja, informisati pružaoce turističkih usluga o jasno definisanim uputama za sigurno i odgovorno kretanje turista. Na svim informativnim platformama objavljivat će se relevantne smjernice za organizovane posjete kako bi se zaštitili lokaliteti i osiguralo kvalitetno iskustvo posjetilaca, ali i osigurala održiva zaštita kulturno-prirodnih lokaliteta kroz kontrolisane i pravilno vođene turističke aktivnosti. Stim u vezi ćemo kontaktirati Zavod za zaštitu spomenika pri Federalnom Ministarstvu kulture i sporta, Komisiju za očuvanje nacionalnih spomenika Bosne i Hercegovine.

- Podsticanje, unapređivanje, promovisanje i zaštita izvorne vrijednosti i stvarati uslove za njihovo korištenje u granicama održivog razvoja turizma

U ovom segmentu, Turistička zajednica Općin Kakanj će u saradnji sa partnerima izvršiti identifikaciju i dokumentovanje autentičnih kulturnih, historijskih i prirodnih vrijednosti Općine Kakanj u cilju promocije u turističkom proizvodu, te izradi projektne aplikacije za organizaciju edukativnih programa i radionica za lokalnost stanovništvo i turističke radnike o važnosti očuvanja i održivog razvoja. Promovisat ćemo tradicionalne običaje, rukotvorine, gastronomiju i manifestaciju kroz medije, festivale i turističke događaje sa posebnim akcentom na razvijanje i implementaciju turističkih proizvoda koji poštuju principe održivosti i nemaju negativan uticaj na okoliš i lokalnu zajednicu.

- Rad na razvoju gostoprimstva, očuvanju prirodnih i kulturno-historijskih vrijednosti i unapređenju ekološke zaštite prostora na kojem djeluje

U ovom segmentu, Turistička zajednica Općine Kakanj će u saradnji sa partnerima predstaviti poseban program obuke i edukacije za pružaoce smještaja, ugostitelje i vodiče s ciljem podizanja kvaliteta usluge i jačanja gostoprimstva. Promovisati kulture domaćinstva i autentičnog doživljaja lokalne zajednice kroz programe "Doživi Kakanj" ili "Grad dobrih domaćina". U saradnji sa Općinom Kakanj, ekološkim udruženjima i školama ćemo podsticati lokalne inicijative za ekološko uređenje prostora, sadnju zelenila, uređenje izletišta, postavljanje edukativnih eko tabli. U saradnji sa nadležnim institucijama razmotriti uvođenje i promociju eko-standarda i eko sertifikata za pružaoce turističkih usluga. Organizirati akcije čišćenja i zaštite prirodnih lokaliteta u saradnji sa lokalnim eko udruženjima, školama i mjesnim zajednicama. Uspostaviti kontinuiranu kampanju ekološke svijesti kroz online sadržaje, promotivne materijale.





- Obavljanje i drugih poslova koji su u funkciji razvoja turizma i koji nisu u suprotnosti sa Zakonom o turizmu.

Turistička zajednica Općine Kakanj će obavljati i druge poslove koji su u funkciji razvoja turizma, a koji nisu u suprotnosti sa Zakonom o turizmu. U tom okviru, poseban naglasak biće stavljen na postepeno i partnerski orijentisano uvođenje sistema boravišne takse kroz program "Moj Kakanj", u saradnji sa Općinom Kakanj i Turističkom zajednicom Zeničko-dobojskog kantona. Cilj programa je legalizacija poslovanja lokalnih pružalaca turističkih usluga, uz pružanje institucionalne i stručne podrške i u skladu sa tim aktivnostima, prihodovanje po osnovu boravišne takse.

Program će obuhvatiti pomoć pri registraciji djelatnosti, prijavi boravišne takse, provođenju procesa kategorizacije, kao i uključivanju u zvaničnu turističku ponudu općine. Subjekti koji legalno posluju dobit će mogućnost besplatne promocije putem informativnih i promotivnih kanala Turističke zajednice Općine Kakanj, kao i pristup edukacijama i savjetodavnim uslugama.

Za već registrovane pružaoce turističkih usluga, Zajednica će osigurati kontinuiranu edukativnu, informativnu i promotivnu podršku s ciljem unapređenja poslovanja, podizanja kvaliteta usluga i jačanja njihove tržišne vidljivosti. Na taj način će se graditi odgovoran, održiv i kvalitetan turistički sistem Općine Kakanj, zasnovan na saradnji sa lokalnim institucijama i profesionalnim standardima.

Ovaj Program rada Turističke zajednice Općine Kakanj za 2025. godinu sa finansijskim planom usvojen je na 2. sjednici Nadzornog odbora održanoj 01.07.2025.godine i sačinjen je na 10 stranica.

Broj: 06-67/25

Kakanj, 27.06.2025. godine

  
Edin Bjelopoljak  
Direktor  
Turistička zajednica Općine Kakanj



  
Alem Škulj  
Predsjednik Nadzornog odbora  
Turistička zajednica Općine Kakanj





## Finansijski plan za 2025. godine

0401002

Turistička zajednica Općine Kakanj

| Klasifikacija |          |                  | Naziv pozicije budžeta                                               | Plan budžeta<br>za 2024.<br>godinu | PLAN<br>BUDŽETA<br>ZA 2025.<br>GODINU | Index<br>6/5*100 |
|---------------|----------|------------------|----------------------------------------------------------------------|------------------------------------|---------------------------------------|------------------|
| Fond          | Funkcija | Ekonomski<br>kod |                                                                      |                                    |                                       |                  |
| 1             | 2        | 3                | 4                                                                    | 5                                  | 6                                     | 7                |
|               |          |                  | <b>I. TEKUĆI RASHODI</b>                                             | <b>58.275,00</b>                   | <b>129.175,00</b>                     | <b>221,66</b>    |
|               |          | <b>611000</b>    | <b>Plaće i naknade troškova zaposlenih</b>                           | <b>36.725,00</b>                   | <b>80.260,00</b>                      | <b>218,54</b>    |
|               |          | <b>611100</b>    | <b>Bruto plaće i naknade</b>                                         | <b>29.000,00</b>                   | <b>70.000,00</b>                      | <b>241,38</b>    |
| 0111          | 0111     | 611110           | Neto plaće i naknade plaća                                           | 29.000,00                          | 70.000,00                             | 241,38           |
|               |          | <b>611200</b>    | <b>Naknade troškova zaposlenih</b>                                   | <b>7.725,00</b>                    | <b>10.260,00</b>                      | <b>132,82</b>    |
| 0111          | 0111     | 611200           | Naknade za prevoz s posla i na posao                                 | 625,00                             | 1.500,00                              | 240,00           |
| 0111          | 0111     | 611200           | Naknade za topli obrok tokom rada                                    | 5.700,00                           | 7.260,00                              | 127,37           |
| 0111          | 0111     | 611200           | Regres za godišnji odmor                                             | 1.400,00                           | 1.500,00                              | 107,14           |
| 0111          | 0111     | 611200           | Otpremnine zbog odlaska u penziju                                    | 0,00                               | 0,00                                  | #DIV/0!          |
| 0111          | 0111     | 611200           | Pomoć u slučaju smrti ili teže bolesti                               | 0,00                               | 0,00                                  | #DIV/0!          |
| 0111          | 0111     | <b>612000</b>    | <b>Doprinosi poslodavca</b>                                          | <b>3.300,00</b>                    | <b>7.875,00</b>                       | <b>238,64</b>    |
|               |          | <b>613000</b>    | <b>Izdaci za materijal i usluge</b>                                  | <b>18.250,00</b>                   | <b>41.040,00</b>                      | <b>224,88</b>    |
| 0111          | 0111     | <b>613100</b>    | <b>Putni troškovi</b>                                                | <b>150,00</b>                      | <b>400,00</b>                         | <b>266,67</b>    |
|               | 0111     | <b>613200</b>    | <b>Izdaci za energiju</b>                                            | <b>3.200,00</b>                    | <b>8.000,00</b>                       | <b>250,00</b>    |
| 0111          | 0111     | 613200           | Izdaci za električnu energiju                                        | 1.200,00                           | 3.000,00                              | 250,00           |
| 0111          | 0111     | 613200           | Izdaci za centralno grijanje                                         | 2.000,00                           | 5.000,00                              | 250,00           |
|               |          | <b>613300</b>    | <b>Izdaci za komunalne usluge</b>                                    | <b>1.600,00</b>                    | <b>3.700,00</b>                       | <b>231,25</b>    |
| 0111          | 0111     | 613300           | Izdaci za telefonske usluge                                          | 600,00                             | 1.200,00                              | 200,00           |
| 0111          | 0111     | 613300           | Izdaci za internet                                                   | 200,00                             | 500,00                                | 250,00           |
| 0111          | 0111     | 613300           | Poštanske usluge                                                     | 200,00                             | 500,00                                | 250,00           |
| 0111          | 0111     | 613300           | Izdaci za vodu i kanalizaciju                                        | 600,00                             | 1.500,00                              | 250,00           |
|               |          | <b>613400</b>    | <b>Nabavka materijala</b>                                            | <b>1.150,00</b>                    | <b>3.200,00</b>                       | <b>278,26</b>    |
| 0111          | 0111     | 613400           | Sitan inventar u upotrebi                                            | 150,00                             | 500,00                                | 333,33           |
| 0111          | 0111     | 613400           | Izdaci za kancelarijski materijal                                    | 500,00                             | 1.500,00                              | 300,00           |
| 0111          | 0111     | 613400           | Izdaci za materijal za čišćenje                                      | 500,00                             | 1.200,00                              | 240,00           |
|               |          | <b>613500</b>    | <b>Izdaci za usluge prevoza i goriva</b>                             | <b>1.400,00</b>                    | <b>2.800,00</b>                       | <b>200,00</b>    |
| 0111          | 0111     | 613500           | Izdaci za gorivo i mazivo                                            | 800,00                             | 1.600,00                              | 200,00           |
| 0111          | 0111     | 613500           | Prevozne usluge                                                      | 300,00                             | 600,00                                | 200,00           |
| 0111          | 0111     | 613500           | Registracija motornih vozila                                         | 300,00                             | 600,00                                | 200,00           |
| 0111          | 0111     | <b>613600</b>    | <b>Unajmljivanje imovine i opreme</b>                                | <b>800,00</b>                      | <b>1.000,00</b>                       | <b>125,00</b>    |
|               |          | <b>613700</b>    | <b>Izdaci za tekuće održavanje</b>                                   | <b>1.000,00</b>                    | <b>2.000,00</b>                       | <b>200,00</b>    |
| 0111          | 0111     | 613700           | Materijal i usluge za održavanje stalnih sredstava                   | 1.000,00                           | 2.000,00                              | 200,00           |
|               |          | <b>613800</b>    | <b>Izdaci osiguranja, bankarskih usluga i usluga platnog prometa</b> | <b>1.000,00</b>                    | <b>2.500,00</b>                       | <b>250,00</b>    |
| 0111          | 0111     | 613800           | Izdaci osiguranja                                                    | 500,00                             | 1.000,00                              | 200,00           |
| 0111          | 0111     | 613800           | Izdaci za usluge platnog prometa                                     | 500,00                             | 1.500,00                              | 300,00           |
|               |          | <b>613900</b>    | <b>Ugovorene i druge posebne usluge</b>                              | <b>7.950,00</b>                    | <b>17.440,00</b>                      | <b>219,37</b>    |
| 0111          | 0111     | 613900           | Izdaci za informisanje                                               | 700,00                             | 1.800,00                              | 257,14           |





OPĆINA KAKANJ  
Turistička zajednica Općine Kakanj  
Tourism Association of the Municipality of Kakanj

|      |      |        |                                                                     |           |            |        |
|------|------|--------|---------------------------------------------------------------------|-----------|------------|--------|
| 0111 | 0111 | 613900 | Usluge kopiranja i štampanja                                        | 700,00    | 1.500,00   | 214,29 |
| 0111 | 0111 | 613900 | Usluge reprezentacije                                               | 400,00    | 1.000,00   | 250,00 |
| 0111 | 0111 | 613900 | Izdaci za stručne usluge                                            | 400,00    | 1.000,00   | 250,00 |
| 0111 | 0111 | 613900 | Izdaci za Ugovore o djelu                                           | 500,00    | 1.200,00   | 240,00 |
| 0111 | 0191 | 613900 | Izdaci za naknade članovima Upravnog (Nadzornog) odbora             | 1.600,00  | 3.840,00   | 240,00 |
| 0111 | 0191 | 613900 | Izdaci za poreze za ugovorene obaveze                               | 850,00    | 1.700,00   | 200,00 |
| 0111 | 0111 | 613900 | Posebna naknada na dohodak za zaštitu od prirodnih i drugih nesreća | 400,00    | 800,00     | 200,00 |
| 0111 | 0111 | 613900 | Opća vodna naknada                                                  | 400,00    | 800,00     | 200,00 |
| 0111 | 0111 | 613900 | Usluge stručnog obrazovanja                                         | 400,00    | 800,00     | 200,00 |
| 0111 | 0111 | 613900 | Ostale nespomenute usluge i dadžbine                                | 800,00    | 2.000,00   | 250,00 |
| 0111 | 0111 | 613900 | Izdaci za usluge obezbjeđenja objekata                              | 800,00    | 1.000,00   | 125,00 |
|      |      | 821000 | II. NABAVKA STALNIH SREDSTAVA I OPREME                              | 2.000,00  | 5.000,00   | 250,00 |
| 0111 | 0473 | 821300 | Nabavka opreme                                                      | 2.000,00  | 5.000,00   | 250,00 |
|      |      |        | UKUPNO:                                                             | 60.275,00 | 134.175,00 | 222,60 |

Kvalifikaciona struktura zaposlenih:

|                           |   |   |
|---------------------------|---|---|
| VSS (VII stepen)          | 4 | 2 |
| SSS (IV stepen)           | 0 | 0 |
| SSS (III stepen)          | 0 | 0 |
| NK (I stepen)             | 0 | 0 |
| BROJ ZAPOSLENIH (ukupno): | 4 | 2 |


Obrazloženje:

Planirani budžet Turističke zajednice Općine Kakanj za 2025. godinu iznosi ukupno 134.175,00 KM, i isti ima za cilj osigurati stabilne uslove za svakodnevno funkcionisanje Turističke zajednice i realizaciju njenih osnovnih aktivnosti. Planirano je podnošenje zahtjeva za rebalans što će dodatno unaprijediti aktivnosti Turističke zajednice Općine Kakanj.

Broj: 06-67/25  
Kakanj, 27.06.2025. godine

  
Edin Bjelopoljak  
Direktor  
Turistička zajednica Općine Kakanj



  
Alem Škulj  
Predsjednik Nadzornog odbora  
Turistička zajednica Općine Kakanj